

牧齋有學集

牧齋有學集卷六

秋槐別集

乙未小至日宿白塔寺與介立師兄夜話辛卯  
秋憇友蒼石門院扣問八識規矩屈指又五年  
矣感而有作二首

朔風殿角語琅璫方丈挑燈拜飲光

堂供大迦葉佛

月扇雲

衣辭熱惱水牀雪被借清涼

王于一約看女戲不果

空門夜共

三冬冷佛日朝依一線長話到報恩塵刹事殘缸炷  
焰吐寒芒

細雨諸天洒梵林石門昔夢靜思尋三人互剪繡經

燭八識初輪看論金鳥集長干多劫淚雞鳴後夜五  
更心官梅東閣垂垂發陽長方知佛力深

寶應舟次寄李素臣年姪

津亭何處不滄桑况復淮南指白楊冠劍丁年唐進  
士泥塗亥字魯靈光吳航原作雁起殘更火楚幕烏  
啼半夜霜容貌恐君難識我且憑音響撼倉琅

題黃甫及舫閣

文練縈窓香篆遲舫齋恰似艤舟時垂簾每讀淮陰  
傳卷幔長懷漂母祠落木雲旗開楚甸夕陽日珥抱  
鍾離鄂君繡被歌誰和且試燈前一局棋

題陳階六振衣千仞岡小像

偶向咸池沐髮還須彌羅頂瞰人寔笑他一摑脩羅  
掌規取雙輪作耳鬢

寄淮上閻再彭春西草堂

西向依風歎南枝擇木謀艱難仍有步顧眷豈無頭  
策賜金天醉盤辭渭水愁美人行萬舞山隰思悠悠  
長淮南紀水滔蕩汨窮塵故絳真吾土陶唐自古民  
周詩太原什晉問柳州文他日論都賦東西定主賓  
竹谿草堂歌爲寶應李子素臣作

君不見唐家中葉壽命昌帝降八寶鎮楚方光氣鬱

郁天市牆昭回天漢連維揚仙李盤根告厥祥長庚  
散翼垂寒芒三壬羅腹貯三倉天心月脇穿肺腸九  
琮五玉森珪璋佇候上帝開總章海青高飛翎雀翔  
觚稜塵碎金雀傷羅睺噉日陽烏忙炎風朔雪成灰  
場白虹潦天朔吹狂薄游擊筑燕市旁卷衣秦女辭  
宮粧歌殘漏月音惻愴龍胡上天不我將呼風烏啼  
金粟岡龍蟠空曲熊羆藏玉泉朱魚鱗鬣揚腐儒瘦  
馬淚漬裳回瞻佳氣行徬徨歸來散髮箕山陽射陽  
湖畔築艸堂箕山墮蜀周如防挂瓢飲犢猶相望風  
吹樹瓢響倉琅披襟抱膝思虞唐名園築竹如南塘

綠雲百畝欺篔簹高梧淡柳蟲隊行前迎後却朝竹  
王白毛布地血雨創此中白日思上皇蕭晨清夜開  
竹房晉賢唐逸來命觴碧蘚綠影壓書牀紅鐙一滴  
蘭膏光涼風蕭閒吹縹緗明玕屋角鳴笙簧清商一  
部迴簷廊玉魚劔佩交鏗鏘主人雜誦何琅琅金春  
玉應叅宮商捎雲交響雙鳳皇和以發明并幽昌搖  
風獵獵萬籟張長竿擊戛紛旗槍王良策馬騎龍驤  
雲旂羽燾影頡頏瓦振帛裂天低昂奔濤跋浪撼屋  
梁退飛六鷁叫鵝鶻迅掃塵壒迴滄浪少焉明月生  
東廂得風而笑竹亦忘斫青削玉開珠囊丹青翰簡

手勘量大書甲子依柴桑載記黑白標朱黃千年筠  
竹新粉香抽空擲筆凌秋霜端門寶書今不亡春秋  
素臣竹素長老夫髦矣吾子強

長干送松影上人楚遊兼柬東楚中郭尹諸公二  
首

吳頭楚尾一軍持斷取陶輪右手移四鉢尚擎殷粟  
米七條還整漢威儀毗藍風急禪交定替戾聲長呪  
力悲取次莊嚴華藏界護龍河上落花時

孤蓬散霰浪花堆眉雪茸茸抖擻來跨海金鈴依振  
錫緣江木掃襯浮杯九疑旭日扶頭見三楚浮雲按

指開喚起呂仙橫笛過岳陽梅柳早時催

乙未除夕寄內

頰尾勞勞浪播遷長干禪榻伴僧眠魚龍故國猶今  
夕雞犬新豐又一年瓦注臘醅村舍酒柴門松火佛  
前錢團團兒女應流涕老大家翁若个邊

長干偕介丘道人守歲

明燈度歲守招提去殿宮雲入夢低  
怖鴿有枝依佛影驚鳥無樹傍禪棲  
塔光雪色恒河象天醒霜空午夜  
雞頭白黃門熏寶級香爐曾捧玉皇西

丙申元日



朝元顛倒舊衣裳  
肅穆宮花禮梵王  
佛日東臨輝象  
設帝車南指滌文章  
秋衾昔夢禪燈穩  
春餅殘牙粥  
鼓香誓以丹鉛迴  
法海三千牀  
席刼初長

王式之叅軍五十

烏衣燕子繞庭除  
昔日王郎鬢未疎  
玉匣長臨修禊  
帖銀鈎戲艸嚇蠻書  
薄寒殘醉催絲管  
微雨新晴御  
板輿淥酒紅樓春  
漸好落梅歌發落燈初

爲康小范題李長蘅畫

李生才思如青雲  
信腕潑墨皆有文  
雲山每拂紅樓  
壁章艸嘗書白練裙  
此圖點染聊復爾  
老筆槎牙劈

生紙已皺數樹接烟嵐更著扁舟破春水舟中一老  
澹鬚眉鶯脰湖邊問渡時橘花寒食橫塘路絳淺紅  
輕蕩槳遲

放歌行贈櫟園道人游武夷

礪君吳剛斫月之玉斧揚君魯陽指日之戈及飲君  
邯鄲一曲之美酒贈君繞朝臨行之策書憶君去年  
歸晝繡堂堂暫喜身垂魚雕軒列戟侯門屏金章玉  
軸照座隅詞人油素獻歌頌肩耕踵汗仍口吐青陽  
遍除才隔歲南冠顧影行次且秋風吹散孟嘗客廉  
公市門日旰虛老夫衝寒走問訊鬢頭冰雪膠髭鬚

溺人但一笑越吟多囁嚅班荆過蓬桑下語倉皇執  
手臨交衢且勿賦河梁且勿歌驪駒聽我放歌行請  
言造化初厥初空界二十劫毗嵐橐風吹復噓金藏  
興雲雨如軸金剛界結胎堪輿清水升天澱濁地七  
金四洲高下殊光音天人福報薄地餅食竭林藤枯  
身光彫落器界暗四輪墨穴游昏塗寶音諸地起慈  
愍化現日月天子星宮俱開張兩儀布二曜二十八  
宿磊落排空居梵王口脰臍輪各種族欲界障持善  
現相刳屠修羅蕩脚波海水生憎頭上蹴踏雙兔蝮  
手障日輪口噉日月月怖匿天嗟吁此方蚩尤兄弟

亦徒黨銅頭鐵額與螯弧共工觸頭折天柱后羿矯  
矢摧陽鳥三王五伯迭整頓君臣將相羣拮据撐天  
柱地定八極爲此衣冠禮樂爭寰區東門嘯戎索北  
落移天樞裸衣笑神禹好冠詫勾吳退飛未許傍宋  
鷄避風何地追鷄鷓天地爲籠逝安適身藏藕孔難  
卷舒移眉下目吁可怪閉口捕舌誰能遁劾君以彈  
甘焦之封事案君以覆鄭鹿之追胥誤君以知雀語  
之公冶責君以辨牛鳴之葛盧淳于冠纓大笑絕舍  
人寢藪尼暮呼崑山抵鵲用良玉泉客洒涕成明珠  
心驚蟻牀自急擣夢入鼠穴仍拱趨斗間干將會須

出山頭廷尉當何如河鼓大星正芒角橫海兵氣連  
無諸蛟門水立島不渡子陵灘頭斷釣魚老夫已辨  
千日醉吾子慎愛千金軀扁舟東下值元夕紅燈綠  
酒停姑蘇臯橋銀箏裹紅淚遲君拂拭追歡娛玄墓  
梅花衆香國西冷紅雨挑千株巾車蠟屐聊復爾何  
用纏轆催奔車武夷之君吾遠祖相見遙祝傳區區  
曾孫面皺頭髮禿何當念我治乾魚酌君酒攬子袂  
我欲竟此曲此曲煩且紆隴啣吟嚙如夢麗宮商失  
次無疾徐征馬爲躑躅僕御亦踟躕鳥啼鴉散君且  
玉壺酒煖還須更東方顧瞻已精色晨雞喔喔鳴前

除

丁家水亭再別櫟園

燈暈離筵酒不波，同雲釀雪暗秦河。  
人於患難心知少，事值間關眉語多。  
鼓角三更莊舄淚，殘棋半局魯陽戈。  
荔枝醞熟鱸魚美，醉倚銀箏續放歌。

人日得沈崑銅書詒我滇連心紅却寄

人日緘書寄老翁，封題意與古人同。  
憐予味蜚黃連苦，顧子心殷朱粉紅。  
磨勵寸丹迴白首，滌除雙碧向青銅。  
滇雲萬里通勾漏，職貢遙遙問乙鴻。

催粧詞二首邀紀伯紫同作

秦淮水照燭花紅滿面新妝出鏡中窮袴不須重護  
惜珠衣約體正當風

太乙鐙迴閭闔風渡頭桃葉轉新紅白團扇子休遮  
面臉際夫容似守宮

左寧南畫像歌爲柳敬亭作

何人踞坐戎帳中寧南徹侯崑山公手指揮彈出師  
象鼻息吸呼成虎熊帳前接席柳麻子海內說書妙  
無比長揖能令漢祖驚搖頭不道楚相死是時寧南  
大出師江湘千里連軍麾每當按甲休兵日更值椎  
牛饗士時夜營不諠角聲止高座張燈拂筵几吹唇

芒角生燭花掉舌波瀾沸江水寧南聞之鬚鬚張攸  
飛櫪馬俱騰驤誓剜心肝奉天子拚洒毫毛布戰場  
秦灰燒殘漢幟靡嗚呼寧南長已矣時來將帥長頭  
角運去英雄喪首尾倚天劔歿親身匣垂敝猶興晉  
陽甲數升赤血噴餘皇萬斛青蠅掩牆翼白衣殘客  
哭江天畫像捉携訴九泉舌端有鍰腸堪斷泣下無  
珠血可憐柳生柳生吾語爾欲報恩門仗牙齒憑將  
玉帳三年事漏作金陀一家史此時笑噓比傳奇他  
日應同汗竹垂從來百戰青燐血不博三條紅燭詞  
千載沈埋國史傳院本彈詞萬人羨盲翁負鼓趙家



庄寧南重爲開生面

丙申春就醫秦淮寓丁家水閣浹兩月臨行作  
絕句三十首畱別畱題不復論次

數莖短髮倚東風一曲秦淮曉鏡中春水方生吾速  
去真令江表笑曹公

秦淮城下卽淮陰流水悠悠知我心可似王孫輕一  
飯他時報母只千金

舞榭歌臺羅綺叢都無人跡有春風踏青無限傷心  
事併入南朝落炤中

苑外楊花待暮潮隔溪桃葉限紅橋夕陽凝望春如

水丁字蕪前是六朝

夢到秦淮舊酒樓白猿紅樹蘸清流關心好夢誰圓  
得解道新封是拜侯

東風狼籍不歸軒新月盈盈自照門

夢中得二句

浩蕩白

鷗能萬里春來還沒舊潮痕

後夜緜經燭穗低首榜第十重開題數聲嗻嗻江天  
曉紅葉堦前舊養雞

多少詩人墮劫灰佞期令免冶長災阿師狡獪還堪

笑翻攪沙場作講臺

從顧與治問祖心千山語錄

牛刀小邑亦長編朱墨紛披意惘然要使世間知甲

子擁書先署丙申年

乳山道士  
修志深水

夢我迢遙黃閣居真成鼠穴夢乘車宵來我夢師中

樂細柳營繙貝葉書

茂之書來元  
旦夢余登拜

虛玄自古誤乾坤薄罰聊司洞府門未省吳剛點何

易月中長守桂花根

薛更生序易解云王輔嗣解  
易未常罰作洞府守門童子

天上羲圖講貫殊洞門猶抱韋編趨沈沈紫府真人

座曾受希夷一畫無

更生云吾注易成將以未後句  
問洞府真人紫府真人傳是韓

魏公也

歛斜席帽五陵稀六代江山一布衣望斷玉衣無哭

所申箱自摺蹇驢歸

重讀紀伯  
紫蔥叟詩

鍾山倒影浸南溪靜夜欣看紫翠齊小婦粧殘無箇

事爲憐明月坐花西

寒鐵道人余懷居面南溪鍾山峰影下垂杜詩云半陂已南純

也

河嶽英靈運未徂千金一字見吾徒莫將搏黍人間

飯博換君家照夜珠

澹心方有採詩之役

麥秀漸漸哭早春五言麗句琢清新詩家軒翥今誰

是至竟離騷屬楚人

杜于皇近詩多五言今體

著論崢嶸準過秦龍川之後有斯人滁和自昔與龍

地何處巢車望戰塵

于皇弟蒼略挾所著史論游滁和間

掩戶經旬春艸齊盈箱傍架自編題卜家墳上澆花

了閒聽東城說鬪雞

胡靜夫好閉關

青谿孫子美瑜環也是朱衣抱送還盛世公卿猶在

眼方頤四乳坐如山

倪燦闇公文僖文毅之諸孫相見每述祖德

一矢花磚沒羽新諸天塔廟正嶙峋長干昨夜金光

誦手捧香爐拜相輪

康孝廉小范偶談清江公守顛故事讀南霽雲碑

江草宮花洒淚新忍將紫淀謚遺民舊京車馬無今

雨桑海茫茫兩角巾

張二嚴蜀笈爲其兄文寺請誌

龍子千金不治貧處方先許別君臣懸蛇欲療蒼生

病何限剗腸半腐人

余就醫于陳古公

五行祥異總無端九百虞初亦飽看清曉家人報奇

事小兒指椀索朝餐

閩人黃帥先博學奇窮戲之亦紀實也

寒窓簷挂一條冰灰陷香爐對病僧話到無生清不

寐暗風山鬼剔殘燈

乙未除夕丙申元日夜皆投宿長干與介丘師兄同榻

風掩籬門壁落穿道人風味故依朕莫拈瓠子冬瓜

印印却俱眈一指禪

曾波臣之子薤髮住永興寺

荒菴梅老試花艱酌酒英雄去不還月落山僧潛掣

淚暗香枝掛返魂幡

城南廢寺老梅三株傳是國初孫炎手植

子夜烏啼曲半訛隔江人唱後庭多籬邊兀坐村夫

子端誦尚書五子歌

歌者與塾師比鄰戲書其壁

朴繪楊亭與盛丹黃經古篆逼商盤史癡畫史徐霖

筆弘德風流尚未闌

旭日城南泐鼓鳴難陀傾聽笑骨騰有人割取乖龍

耳上座先醫薛更生

旭伊法師演妙華于普德余頗爲卷荷葉所困而薛老特甚

寇家姊妹總芳菲十八年來花信違今日秦淮恐相  
值防他紅淚一沾衣

崑崙山人扇子歌

吳江王君采崑崙山人子幼介孫也屬沈雪樵寄扇來索

詩

崑崙山人騎鯨去莫挹遺扇親身在箱笈扇面題年  
標丙申周冕寫生如雨裏是歲六十開長筵誕孫彌  
月呱呱泣孫今白首又丙申甲子周迴百又廿山人

壯年濯足長安市詩酒才名動京邑禁苑洞簫宮女  
誦仙舟翠羽佳人拾拂袖高臥松江濱醉後逃禪呼  
米汁小弟薊門顧開府驛騎邀迎戴箬笠候人傳箭  
簇弓刀大帥帕首着袴摺漁陽突騎八郡雄迤北邊  
巡就維繫山人手搖摺扇閱行營笑指列帳蜂屯與  
蟲螫銜尾不聞馬獵獵崩角但見羊澌澌少婦琵琶  
倚醉聽名王湮酒供鯨吸是時九邊並保塞遼海貢  
車款關入呼韓昆邪請辭辯何況挹婁并奚霜歸來  
高咏燕歌行鏡歌欲嗣平邊什山人仙去後五十指  
顧高溪變原隰天傾地曷日月暈此扇依朕保什襲



裂紙殘墨猶寶愛遺弓故劍誰收緝魏公笏在世所  
美荆人弓矢何嗟及山人之孫寄扇索我題令我把  
玩瞪瞢百憂集荒村四月仍嚴寒冒絮蒙頭倚柱立  
巡簷扶杖哦此詩放筆沈吟淚霑濕還君扇子囑君  
莫放歌昨夜江鄉滿天風雨急

贈侯商丘若孩四首

殘燈顧影見蹉跎十五年來小劫過曾捧赤符迴日  
月遂刑白馬誓山河閒來菜圃英雄少朝日瓜疇賓  
客多挂壁龍淵慚繡澀爲君斫地一哀歌

三十登壇鼓角喧短衣結束署監門吹簫伍負求新

侶對酒曹公念舊恩五嶺蒙茸餘剩髮九疑縣巨誤  
招魂與君贏得頭顱在話到驚心手共捫

蒼梧雲氣尚蕭森八桂風霜散羽林射石草中猶虎  
伏憂金壁外有龍吟夢迴芒角生河鼓醉後旌旗拂  
井參莫向彘門尋舊隱要離千載亦同心

橘社傳書近卜鄰龍宮破陣樂章新蒼梧野外三衣  
衲廣柳車中七尺身世事但堪圖鬼魅人間祇解揜  
麒麟相逢未辨中山酒且買黃柑醉凍春

與姚將軍茂之話舊有贈

故國青齊賜履遙東平遺壘荻蕭蕭海雲尚起田橫

先存才集卷之六  
三  
鳥漳水仍流豫讓橋  
劔去衝星黃石在歌沉漏月白  
虹驕知君未忘聞雞約  
髀肉如今消未消

丙申閏五月十又四日讀新修滕王閣詩文集  
重題十絕句

翼軫星連箕尾雄飛樓幻出化人宮  
夜淡南斗龍光起不爲干將在獄中

南戒山河列樹眉  
雕甍畫戟閃朱旗  
饒歌競奏昇平樂  
莫紀星移物換時

尊俎吳山對坐隅  
壺觴燕笑盛文儒  
落霞飛鷲真堪畫  
還似滕王蛺蝶圖

隆福東朝出禁錢龍興遺事北庭傳柳城亦是文章  
伯光岳休論五百年

飛閣行營御仗排燒燈五夜似秦淮只今蒼頂西山  
鹿猶挂天家放免牌

問訊金陵估客航雲帆盡處指滕王老夫自駕樵風  
便不許江神送馬當

八百分明著籍仙樵陽名記石函鑄珠簾正面龍沙  
樹記取垂垂拂檻前

吳楚風烟接上游憑欄極目總神州吳兒愛說韓襄  
毅題破江南第一樓

拍肩羣瞽說文章大樹蜉蝣可自量珍重袁州韓刺  
史欣將名姓次三王

四韵俱成勝伐收江神也爲采詩愁詞壇無復臨川  
叟點筆新裁攬秀樓

七月朔日含光法師駐錫紅豆村談亶累日石  
師潘老賦聽法詩拈華嚴亶談四字爲韵如次  
奉和

伊蒲盛饌只茶瓜執麈搖松影未斜片滴味全諸海  
水十京門具一蓮華經函日照分龍鬣團扇風清起  
象牙身在普光明殿裏無容讚歎手頻叉

清齋燕處得香嚴落落圓音解縛黏兩鏡金容光互  
攝千珠帝網影交拈披襟淨月常懸座凭几涼風自  
捲簾重向雪山飡藥樹始知食蜜未爲甜

鶩伽六術並三玄穴紙分明見大千世界蓮華咸泐  
爾手中葉物總茫狀身雲坐向千光湧心月行依百  
器圓蘭蕩花針誰拾得莫將瞽眼說隨緣

浮生如聽魔人談雪頂方依除饑男身座肉燈思往  
劫紙皮墨骨誓新叅日光定處天宮上烟水行時古  
廟南彈指卽看樓閣啓宵來彌勒許同龕

雲陽姜氏壽讌詩

團團三竿日照我衡茅裏老人住雞窠頻申睡方美  
朱衣人扣門尺書報燕喜索我一篇詩登歌侑筵几  
遙遙太岳後華胄布南紀祭酒鳴鳳阿雲孫誕麟趾  
論詩殷璠繼評畫董道比玉衡應秋縣牙花奮雷起  
齊牢携令妻佩觿叫牧子銅駝已荆棘金馬仍蘭綺  
長筵設弧悅壽觴薦芳旨積金朮應長良常酒初醜  
童初會高真易遷集仙姊跳脫贈猶新竊簫和相倚  
神芝光似月火棗燄成綺百歲欣駐顏千年笑洗髓  
有客前致詞停觴誦天咫壞劫埋沉灰災星枉流矢  
四海血湯湯九閻角嶷嶷束身付

擇肉信

藍風吹丘山震雷殷堦阼橐籥除昔殃沃洗奉新社  
光風汎蘭蕙化日轉桑梓寒盡暑紀迴春生土膏凝  
夢醒噩何有創巨痛良已愒愒擣撞胸依依戰擊齒  
我聞觀自在天竺古大士大慈度含識淡悲及蟲豸  
刀劒壞吹光桁楊折畫水以茲仁孝種感彼求化理  
譬如兒飛乳又如母嚙指潮音不失時吉雲自加被  
若非無畏力誰能撈漉此西竺亦非遙朱方亦非邇  
念彼觀音力如臂屈信爾清衆爲眷屬法筵存簠簋  
飲食與燕樂天人所遊履南陔戒善養南山咏樂只  
隨順世間法慧命自茲始善哉祝嘏客斯言神所使



我亦介壽詩讚歎亦如是

題汴人趙澄臨趙子固棧道圖

蜀山崔嵬去天尺千峰萬嶂攢列戟奔濤拆峽鬪雷  
霆削鐵層層梯絕壁青天鳥道瞰窅冥終古蠶叢見  
開闢地縮千盤雲棧重天迴四游閣道窄牛車絡繹  
不斷頭飛走凌兢罕接翼輪鞍犖确如有聲人鳥資  
緣共一跡穴穿重掩身入雷登頓巉巖足上壁此圖  
瑰瑋畫者誰似爲昇平寫物色天漢津梁扼關隴沃  
野輿圖跨梁益參旗橫拂東井淡褒斜鉤連子午直  
叩竹均醬來東西滇燹冉馳走阡陌何煩力士挽金

牛是處戎王貢瑤碧  
郛筒好酒車欵載織成錦  
段馬薦席烝徒猶拜古帝魂  
學士能銘創闕石嗚呼此圖  
不易得全盛方輿真可惜  
丹青如閱華陽志衣裳不  
爲時裝易臥龍躍馬定誰是  
錦江玉壘還自昔雪江  
老人頭雪白吮筆經營口  
嚙啣畫師有心人不識老  
夫看畫長歎息

牧齋有學集卷六終

牧齋有學集卷七

高會堂詩集

高會堂酒闌雜詠

有序

不到雲間十有六載矣水天閒話久落人間花月  
新聞已成故事漸臺織女機石依狀丈室維摩衣  
花不染點難陀之額粉尚指高樓被慶喜之肩衣  
猶看汲井頃者菰蘆故國兵火殘生衰晚重遊人  
民非昔朱門賜第舊燕不飛白屋人家新鳥誰止  
兒童生長于別後競指鬚眉門巷改換于兵前每  
差步屨常中達而徙倚或當饗而歛歛若乃帥府

華筵便房曲宴金釭銀燭午夜之砥室生光擅板  
紅牙十月之桃花欲笑橫飛拇陣倒捲白波忽發  
狂言驚迴紅粉歌聞宛轉祗足增悲天似高寬何  
妨既醉又若西宗宿好耳語慨慷北里新知目成  
婉變酒闌燈炮月落烏啼雜夢嚙以典謔蘸盃盤  
而染翰口如啣轡常見吐吞胸似碓舂難名上下  
語同譏謎詞比俳優語云惟食忘憂又曰溺人必  
笑我之懷矣誰則知之是行也假館於武靜之高  
會堂遂以名其詩亦欲使此邦同人握衣傾蓋者  
相與繼響傳爲美譚云爾丙申陽月十有一日書

於青浦舟中

雲間諸君子肆筵合樂饗余於武靜之高會堂  
飲罷蒼茫欣感交集輒賦長句二首

授几賓筵大饗同秋堂文譙轉光風豈應江左龍門  
客偏記開元鶴髮翁酒面尚依袍草綠燭心常傍劒  
花紅他年屈指衣裳會牛耳居朕屬海東

重來華表似前生夢裏華胥又玉京鶴唳秋風新谷  
水雉媒春草昔茸城尊開南斗參旗動席俯東溟海  
氣更當饗可應三歎息歌鍾二八想昇平

席間觀李素心督學孫七歲童子草書歌

杜陵九齡書大字李郎七歲筆陣強身長未及等書  
案負劒却立短筯傍凝睇雙瞳剪秋水綈几拂拭神  
揚揚須臾筆下龍蛇出折釵倒薤紛旗槍拳如繭栗  
不盈握放筆直欲墮堵牆力如藍田射伏虎飲羽穿  
石激電光勢如衛公夜行雨風縈霧鬣不可當書罷  
安閒妥彩袖斂手拱揖歸輩行肩隨兄弟舒雁立懷  
鉛畫槩森琳瑯荀家八龍見其四一龍奮爪先開張  
當筵觀者皆老蒼捋鬚奮袂徒驚惶老夫頓足自激  
昂安得抱之貢玉堂君不見昔年李長沙天子加膝  
坐御牀

海上贈姚方伯時年九十有四

玄髮方瞳始百年滄江龍臥地行仙  
酒香白墮騰騰醉飯熟黃梁栩栩眠  
南極一星占北斗東瀛三遍看  
桑田雉羹亦有傳家譜願乞刀圭助祝延

次韵答雲間張洮侯投贈之作

自從兵塵暗四國盡裂書囊裁矢服  
文昌東壁橫旄弧織女漸臺荒杼軸  
近來南國典文章雲間筆陣尤堂堂  
何人吐鳳非書府是處栖鸞盡筆牀  
新詩雄風發胸臆令我殘軀生八翼  
歌罷蒼茫看牛斗劔鏑芙蓉湛如拭  
始信出門交有功橫眉豎目皆駿雄  
却憐

雪頂逃禪客折脚鎗邊未足窮

雲間董得仲投贈三十二韻依次奉答

藍風吹地軸墨穴閉星躔庭矢踰沙絕池灰積劫傳  
州移中土九路失下牢千歷歷開元事明明萬曆年  
左言馴保塞南食慄重泉橫軾眉常見盈車骨獨專  
籌邊攄尺組斷國引長編紫塞儲胥脆丹墀部鄙堅  
鼠憂殊悄悄蟻鬪正悄悄但倚三精在寧思九鼎遷  
垣牆廢閣道鈎盾廢天田季葉絲方棼殘生繭日纏  
堯年鶴語苦毫社鳥嬉狀退鷁希風定枯魚泣水漣  
黃雲埋地底黑浪過山巔室掩三陽館牀搭六月綿



鋤頭誰對乘車耳正高懸草喜霜前蔓花驕日及妍  
羽毛紆往古腰領信時賢悻直祈神與孤危仗佛憐  
論牀獅子座梵衆象王筵貝葉掇三藏蓮花講十玄  
雲鴻隨浪跡雪鶴捧瑤篇積玉光猶映長離翼必聯  
哀音傷變徵法曲艷登仙錯莫三年笑迷離千日眠  
豈應漁父檝得共鄂君船隼擊高秋健雞鳴後夜偏  
日愁夸父逐石畏祖龍鞭夢裏衰衣疊循來蒜髮芊  
歌風還馭暹醉日且嬋娟自笑窮禪客枯心爲汝騫  
次韵答宋子建

慄慄華亭鶴唳音十年重與盍朋簪陸機夕秀文偏

老宋玉誅茅宅可尋官燭史成藏汗簡

用宋子京

錦樓

敘就比兼金

宋宣獻公爲吾家序吳越傳芳集

吾衰自笑風心盡莊

鳥叢殘但越吟

丙申重九海上作四首

秋聲海氣互喧豗  
倦睫濛濛冥漲開  
乍見天吳離浪立  
却看地軸拔潮迴  
蹄涔突兀驅狼石  
蟻垤盤旋戲馬臺  
賸欲登臨更無那  
天高陵谷易悲哀

黃浦橫流絕大荒  
迎簷依約指扶桑  
銷沉鮫室餘窮髮  
磨滅龍宮向夕陽  
故國屢經滄海變  
吾家猶說射潮強  
登高莫漫誇能賦  
四海空知兩鬢霜

去歲登高莫釐頂杖藜落落覽吳洲洞庭雁過猶前  
旅橋杜龍歸又一秋颺母風欺天四角鮫人淚盡海  
東頭年年風雨懷重九晴昊翻今日暮愁

故園今日也登高萸蕪茶香望我勞嬌女指端裝菊  
枕稚孫頭上搭花糕含珠夜月生陰火擁劔霜風長  
巨鰲歸與山妻繙海賦秋燈一穗掩蓬蒿

陸子京置酒墓田丙舍妓彩生持扇索詩醉後

戲題八首

霜林雲盡月華稠雁過烏栖暮欲愁最是主人能慰  
客綠尊紅袖總宜秋

金波未許定眉灣  
銀燭膏明對遠山  
阿耨池頭差一笑  
依狀執手似人間

缸花欲笑酒顏醺  
白足禪僧也畏君  
上座嵬峩許給事  
緇衣偏喜醉紅裙

殘粧池畔映餘霞  
漏月歌聲起暮鴉  
枯木寒蟬都解語  
海棠十月夜催花

口脂眉黛並氤氳  
酒戒今宵破四分  
莫笑老夫風景裂  
看他未醉已醺醺

銀漢紅牆限玉橋  
月中田地總傷凋  
秋燈依約霓裳影  
畱與銀輪伴寂寥

老眼看花不耐春裁紅綴綠若爲真他時引鏡臨秋  
水霜後芙蓉憶美人

交加履錫襪塵飛蘭澤傳香惹道衣北斗橫斜人欲  
別花西落月送君歸

霞城丈置酒同魯山彩生夜集醉後作

滄江秋老夜何其促席行杯但數遲喪亂天涯紅粉  
在友朋心事白頭知朔風淒緊吹歌扇參井微茫拂  
酒旗今日且謀千日酒西園明月與君期

徐武靜生日置酒高會堂賦贈八百字

昔在嘉隆際姬周曆壽昌東朝虛黼辰西內挹軒皇

授籙詒謀遠登遐厭世長金天龍蹕眇銀海雁微茫  
拱默存當宁攀號動萬方華亭遺一老定策婉三楊  
綈几遺言在黃麻詔紙張柱擎天八極車運斗中央  
離照開蒙翳膚雲布濺汪秀眉謹策杖侮食讐窮荒  
高廟微靈福神功答昊蒼但修唐六典不改漢三章  
新鄭徒軒輊成都與頡頏已上記文  
貞相業朝家隆輔弼閔  
闕稱旂常豹尾金吾使螭頭玉璽郎含飴銜廩祿勝  
拜珥貂璫琬琰刊新錄粉榆蔭舊鄉賜金分左藏治  
第列康莊蘭綺森相直簷牙屹互望廟堂崇宰木鄉  
黨敬維桑接跡承華胄握衣拜錦堂天書迴日珥宸

翰抱虹光玉札珍金碧珠函闕縹緗星河環禁楸龍

虎拱雕梁遺像瞻清肅脩容接濟蹌丹青猶婉婉劔

佩欲鏘鏘豐芑根滋大澧蘭葉愈芳長離仍夭矯二

遠並翱翔視草徵家集掞花嗣國香

已上記徐氏閱之盛大述板

蕩漉

時危人草草運往淚浪浪喪亂嗟桑梓分攜泣

杖裳午橋虛綠野甲第裂倉琅兵氣圍屋里車塵埒

堵牆上楹殘網戶遙集儼堂皇藻井歌中霽交疏斷

兩廂駱駝衝燕寢雕鷲撲迴廊綠水供牛飲青槐繫

馬柳金扉雕綺繡玉軸剔裝潢筆策吹重閣悲笳亂

洞房重來履道里旋憶善和坊滅沒如前夢低徊對

夕陽老夫殊耄耄吾子賸飛揚

已下敘武靜生日置酒

奕葉違

東閣誅茅背北却賜書傳鼓篋遺笏貯牙牀著作推

徐幹交遊說鄭莊駕從千里命諾許片言償故國魚

龍冷高天鴻雁涼撫心惟馬角策足共羊腸

上四句并懷閩

公四十年華盛三千風力强開筵千日酒初度九秋

霜上客題鸚鵡佳兒蠟鳳凰風寒花宜晚節淡月似初

暘且共謀今夕相將抗樂方鏡歌喧在渚鼓吹溢餘

艘

于時有受降之役

積氣噓陽燄衝風決土囊紛紛爭角觝

往往捉迷藏身世雙藩籠乾坤百戲場拔河羣作隊

蹀躞巧相當

蹀躞拋磚戲也

粵祝刀頭沸僮撞末忙倒投



應共笑殞絕又何妨  
九劔紛跳躍虺蛇莽  
陸梁雉媒聲呢喔  
雞距羽飄颺蚊翼飛  
軍檄龜毛算土疆  
蟻酣牀下鬪鼠怯  
穴中僵左角封京  
觀南柯缺斧戍西垣  
餘落日東牖湛清觴  
河漢天還又星辰角  
尚芒楚弓亡自得  
鄭璧假何常頌德牛  
腰重橫經馬肆詳  
在本注中酒兵天井動  
飲器月氏良噩夢難  
料理前塵費竹量糟  
牀營壁壘茗椀揀旗  
槍乍可歌鶴鴿寧辭  
典鷓鴣持籌徵綠醕  
約法聽紅粧笑口燈  
花爛灰心燭淚行有  
言多謬誤無處想顛  
狂授色流眉眼傳杯  
嚙口肪漏殘河黯淡  
舞罷斗低昂班馬宵  
喧歷邨雞曉

奮吭莫嫌相枕藉旭日漸煌煌

雲間諸君子再饗予于子京之平原北臯子建  
斐然有作次韻和答四首

松江蟹舍接魚灣箬笠拏舟信宿還愛客共尋張翰  
酒開筵先酌陸機山吹簫聲斷更籌急舞袖風迴么  
鼓閑沉醉尚餘心欲擣江城悲角殷巖關

徵歌選勝夢華年裝點清平覺汝賢燈下戲車開地

脉

優人演如皇  
禁長城中

尊前酒戶占天田吳姬却慙從軍苦

禪客頻拈贈妓篇看盡秋容存老圃莫辭醉倒菊花

前

秋漏沉沉夜壑移餘杭新酒熟多時笙歌氣煖燈花  
早宴語風和燭淚遲上客紫髯依白髮佳人翠袖倚

朱絲

次余座者魯山公  
接席者彩生也

頻年笑口眞難得黃色朝來

自上眉

幾樹芙蓉伴柳條平川對酒碧山高湘江一曲傳清

瑟漢代詞人謚洞蕭自有風懷消磊塊定無籌策到

漁樵停杯莫話千年事黃竹虛傳送酒謔

席中宋子建作政語

有云借箸風情效伏波之聚米殊非道人本色恐作  
千古笑端也未句略爲申辨苦未能了觀者詳之

霞老累夕置酒彩生先別口占十絕句記事兼

訂西山看梅之約

牧齋有學集

卷七

九

酒煖杯香笑語頻  
軍城笳鼓促霜晨  
紅顏白髮偏相  
滯都是昆明劫後人

兵前吳女解傷悲  
霜咽琵琶戍鼓催  
促坐不須歌出  
塞白龍潭是拂雲堆

促別蕭蕭班馬聲  
酒波方溢燭花生  
當筵大有箇歡  
曲何苦淒涼唱渭城

酒悲苦語正淒迷  
刺促渾如鳥夜栖  
欲別有人頻顧  
燭憑將一笑與分攜

會太匆匆別又新  
相看無淚可霑巾  
金尊紅燭渾如  
昨但覺燈前少一人

漢宮遺事剪燈論共指青衫認淚痕  
今夕驚沙滿蓬鬢才知永巷是君恩

魯山贈詩有千金不買長門賦傷先朝遺事也

漁莊谷水兩垂竿  
烽火頻年隔馬鞍  
從此音書憑錦字  
小牋雲母報平安

緇衣居士白衣僧  
世眼相看總不磨  
消受暮年無个事  
半衾煖玉一龕燈

國西營畔暫傳杯  
笑口慵騰喋半開  
數日西山梅萬樹  
漫山玉雪遲君來

江村老屋月如銀  
繞澗寒梅綻早春  
夢斷羅浮聽剝啄  
扣門須拉縞衣人

牧齋有學集

卷七

十

答贈沈生麟二首

玄圃熊熊賸夜光  
機雲歿後有文章  
中原僉父誰相問  
長柄葫蘆幾許長

雲間多士久知名  
祭酒親題月且評  
綿蕞卽今聞辟

召沈生何似魯諸生

生爲燕京祭酒所知

贈雲間顧觀生秀才

崇禎甲申皖督貴陽公抗疏經畫東南請身任大  
江已北援剿軍務南叅贊史公專理陪京兼制上  
游特命余開府江浙控扼海道三方鼎立連結策  
應畫疆分界綽有成竿拜疏及國門而三月十九

之難作矣顧秀才觀生實在貴陽幕下與謀削彙  
余游雲間許玠孚爲余言始知之請與相見扁舟  
將發明燈相對撫今追昔慨朕有作讀予詩者當  
憫予孤生皓首亦曾闌入局中備殘碁之一着而  
貴陽賓主苦心籌國楸枰已往局勢宛朕亦將爲  
之俯仰太息無令泯沒于斯世也丙申陽月八日  
漏下三鼓書于白龍潭之舟中

東南建置書封疆幕府推君借箸長鈴索空教傳鐵  
鎖泥丸誰與奠金湯旌麾寂寞盈頭雪書記蕭閒寸  
管霜此夕明燈撫空局朔風殘漏雨茫茫

茸城惜別思昔悼今呈雲間諸游好兼訂霞老  
看梅之約共一千字

十六年來事茸城舊話傳千金徵窈窕百兩艷神仙  
谷水爲珠浦崑山是玉田仙桃方照灼人柳正蹁躑  
月姊行媒灼天孫下聘錢珠衣身綽約鈿盒語纏綿  
命許迦陵共星占柳宿專香分切利市花合夜摩天  
陌上催歸曲雲間贈婦篇銀河青瑣外朱鳥綠窻前  
秀水香車度橫塘錦纜牽畫樓丹嶂埒書閣絳雲編  
小院優曇秘閒庭玉蘂鮮新粧花四照昔夢柳三眠  
筓送茶山屋魚跳蟹舍椽餘霞三泖塔落月九峰烟



忽忽星移紀茫茫度失躔三江分漢塞一水限秦川  
吳苑鳥栖急華亭鶴唳偏音書沉撥刺懷袖裊潺湲  
命促憑抽矢身危寄絕弦幕鳥偷暇豫舫雀信洄沿  
搖落蕭辰候蒼茫華表顛尊鱸風颯爾蟹稻種依朕  
懸薄荒魚雷重門疊馬羈兔絲迷舊陌虎落記新阡  
蘭錡羝羊觸罌恩凍雀穿左言童豎慣右袒道途便  
蘆管聲啁晰穹廬帳接連銅駝身有棘金狄淚如鉛  
元老周家重恩波漢葉聯長衢羅甲第廣宅埒平泉  
護勅黃麻牒天書碧落鐫百年更祭戟千騎列戈鋌  
沙道堤翻覆雲臺像播遷西園營外宅東閣擁中權

伐豈牽羊後班應詐馬先只孫侔羆虎怯薛領貂蟬  
潼酒天厨給駝羹御席駢百丸追彈發單騎挾俘還  
橫海期盤馬長征晒跼鳶河魴嘉丙穴宋子麗丁年  
玉帳誇韜略金章頌聖賢鸛鵝前隊戲鶯燕後車憐  
鼓吹浮闐闐笙歌沸市廛橫陳皆二八下走亦三千  
茵席常霑吐歌鐘不解懸縈窻文練沒銜壁夜光圓  
改席粧頻換移燈劇屢倭帖腰連鎖袴墮髻倒弓纏  
顧曲三杯闕畱賓百戲闌星毬拋蹴鞠花絮颺鞦韆  
撞末僮相值竿頭馬欲躡刀鋒餘髮鬢劔器亂花鈿  
交刃重重雪跳丸步步蓮滿堂頭掉運四座笑便媠

雁鷺排行列魚龍角曼延老夫叨上客大饗重加筵  
界兀身如睡喧逐坐益堅酒兵圍粉黛毋陣鬪嬋娟  
一發推渠帥三呼詫老拳宮人聽教鼓歌伎仗加鞭  
蹴踏風流陣傾歌玳瑁筵睇流俄失面靨笑已承顛  
吐手拈紅袖科頭散白顛簾帷看嘖嘖屋壁指悁悁  
謬誤誠多矣醒狂或有焉可應眉見曉常用耳爲瑱  
明月愁難掇晨風發未遑憂天良自哂失日復何愆  
狼角橫弧矢參旗曳白旃風霜雙白鬢天地一青氈  
設計臨河漢誅茅卜澗瀝楚醪徒爾爾魯酒自戔戔  
羈旅存王燦書生禮服虔鐵龍新侶集金馬昔游捐

岸谷非聊爾，畊桑各勉旃。扣邀傾綠醕，投贈劈紅箋。  
不分彈翎雀，相將拜杜鵑。憂心風撼撼，壯節鼓齏齏。  
老大銀箏畔，華年錦瑟邊。班荆殊慷慨，贈藥重留連。  
許掾來何暮，徐娘髮未宣。華顛猶躑躅，粉面亦迤邐。  
月引歸帆去，風將別袂牽。無言循白髮，有淚託鶻絃。  
身世縑塵化，心期皓首懸。魂由天竺與，命荷鬼生全。  
此日憂疇首，何時笑拍肩。臨行心痒痒，苦語淚濺濺。  
去矣思蝦菜，歸歟老粥餽。可知淪往劫，還許問初禪。  
燕寢清齋並，明燈繡佛燃。早梅千樹發，索笑一枝媽。  
有美其人玉，相攜女手卷。衝寒羅袖薄，照夜縞衣妍。

領鶴巡荒圃尋花上釣船白頭香冉冉素手月娟娟  
掩首頻支策長歌欲扣舷莫令漁父擢蘆雪獨負緣  
沈雪樵行脚詩

西笑休嗟道路窮紙牕穴外卽長空一瓢在手堪行  
雨兩脚隨身可御風槎泛銀河堪鵲駕書傳錦字抵  
龍宮老夫局促雞窠裏睡足三竿日正紅

長至前三日吳門送龔孝升大憲頒詔嶺南兼  
簡曹秋岳左轄四首

陽生嶺表動吹葭使節迢遙出內家可是飲冰宣詔  
草祗應衝雪看梅花春前黃木南雲近臘後紅蕉北

戶賒同在羅浮香夢裏隨君吟嘯繞天涯  
夕陽弔古每停車風度祠前噪晚鴉萬里珠崖開幾  
郡千秋金鏡屬誰家天南日月周迴迥規外星辰布  
置賒却望蒼梧瞻籜節依狀三殿領黃麻

回首春明戰齒牙重重嶺樹喜週遮清流久已沉灰  
劫鉤黨何當指漢家樹叫鉤斬魂刺促穴銜窶籜夢  
交加分明一滴曹溪水莫向恒河錯竿沙

左官才子似長沙杯酒相逢笑盡蛇崖蜜盤中迴苦  
味嶺梅笛裏憶邊笳肉身命禮三生石法眼圖披六  
葉花從此真依結香火心香傳記到南華

憨山大師  
真身漆供

曹溪屬孝升往頂禮并約秋岳收其遺集張燕公常  
託武平一附香禮曹溪有詩云大師捐世去空留法  
身在願寄無碍香隨心到南海蘇子瞻亦云不向南  
華結烟火此生何處是真依予之託二公者遠矣故  
末章申  
言之

丙申至日爲人題華堂新燕圖

主人堂前海乳燕差池上下啣泥語依約呢喃喚主  
人主人聞歌笑相許主人一去秋復春燕子去作他  
家賓新巢非復舊庭院舊燕喧呼新主人新燕頻更  
主人面主人新舊不相見多謝華堂新主人珍重雕  
梁舊時燕

牧齋有學集卷七終

牧齋有學集卷七

牧齋有學集卷八

長干塔光集

讀雲林園事略追敘昔遊凡一千字

園爲金壇于通判潤甫別業高皇帝駐師顧龍山  
御製樂府有望雲林鬱鬱之句園以此立名

昔與于潤甫論文定縞紵招邀遊雲林爲我道羅縷  
某水復某山一池又一嶼榆柳藏曲折鶯花復沮洳  
數步一指點曠興領其緒名園依綠水杜陵有詩譜  
築堤截龍山捍水作洲渚林垆氣奔騰隩隈勢却拒  
水襲山亦屬卜築乃得所高樓臨曾雲平視諸山俯



方髻擁墮鬟華陽伏左股川陸相緯經禽魚各儔伍  
亭臺架雲居梯磴穿地腑橋斷船孤泳徑窄樹偏偃  
疎窗間複道方屋羃梁柱宦窳違陰陽籬落隔涼暑  
白水明夜山赤日憺亭午篁幽不見天梧陰半爲兩  
老樹拏龍蛇蒼藤竄鼯鼠却過交蘆館曠狀易天宇  
天開水容鮮波澄雲氣聚菰蒲亂渚牙蒹葭辨浦漱  
鳧鷖占涯浹鵝鴨割水滸因思帶笈簪便欲理篙櫂  
翼狀墨光亭映望如兩序紫柏慙山師巾瓶昔游處  
說偈音落落留題字舉舉奇哉天人師曠矣雲林侶  
交盧盧本空墨光光正吐至今松下風謾如聽握麈

步櫚旣周流傑閣起廊廡却望園事窮勝覽撮步武  
岸樹一磔量樓榭屈指數江梅初服靚桃李晨粧嫵  
池滿青荷蓋花稀丹楓補碧暈淨如拭紅芳濕可取  
鶯捎簾外花鶴梳鏡中羽天狀界畫畫粉本在爾許  
憑欄指顧人畫笥亦收貯主人樂斯游酌客笑煦煦  
君爲南塘客余忝東橋主且聽醉後歌共曳燈前舞  
畫師誰鄭虔點筆有杜甫莫令何將軍寂寞笑吾汝  
死別踰星終絕哭歎宿莽于公有令子跌宕不莽鹵  
胷破千卷書手張百石弩撰述園亭記甲乙次州部  
開張一兩行標題頌皇祖萬騎羽林軍六飛龍山塲

鬱鬱雲林句天葩播樂府樹眉署嘉名大哉非夸詡  
神筆揮銀鈞天戈斲玉斧便殿虎文衣吉日岐陽鼓  
三歎思整冠循髮手空撫攬筆淚硬糜俛仰道今古  
緬惟盛明世軋爻正九五東風恒入律青雲上千呂  
規矩用高曾輩行襲珪組官營絳守居私築平泉墅  
草木咸清嘉禽魚並安堵藥欄引仙雞花鈴語鸚鵡  
流鶯助管絃立鶴列童豎良常醴不薄于家酒方醕  
食單先子鵝偏勸取魴鱖南食羅蠓蟹盤筵鬪拒救  
燕賞窮朝昏卽事行忘旅相期間東家惜別指南浦  
嗚呼離亂餘周道泣禾黍六博天神負一擲輒坤賭

駮馱須彌風擺磨初禪炬珠宮決累恩瓊臺掘柱礎  
長楊罷旌旗御宿弛禁籞所至喪粉榆伊誰保桑土  
金谷無飛灰玉山有焦土砥室填糞壤雕欄劈燒煮  
芳蘭鋤作薪嘉禾化爲櫓幸哉雲林園有子克幹蠱  
華構尚言言文石是楚楚林鶯揀新枝巢燕依舊乳  
前榮列琴書中堂考鐘虞魏狀七日後寧非神所與  
殘生感物化撫卷獨延佇昔夢挂眉睫新愁攪腸肚  
村居堂有桔蓬門版爲戶窗雞聊共談牀蠹敢予侮  
拳曲盤木根慵惰臥瓜窳昏花眼襜褕搖落齒齟齬  
井愁繫腰觀杖喜過頭拄策足定無津藏書或有楮

因君記景物使我念燕胥流連鄭谷幽惻愴周原  
豐草下貢鬯竹簡徵集楛但謀白墮醉焉用實沈  
詛聞看鼠盜瓜忙笑狙賊辛灌畦野人能種菜英  
雄腐懷哉燕雞豚及爾繼酒脯莫笑溺人笑還傷  
歌者苦整齊北戶錄擗當上林簿它時重載筆雒  
陽記園圃

秋日曝書得鶴江生詩卷題贈四十四韵

生名高金

壇人

老大歸空門沉心研內典鈔解首楞嚴目眇指亦  
繭詩篇如束筍堆案不遑展蟲蝕每成字蛛網旋  
生蘚今年中秋日十軸麤告藏暇日理素書秋陽  
晒殘卷

鶴江一編詩宛狀在篋行快讀三四章老眼霍如洗  
得意手欲笑沉吟鬚盡撚君詩有遠體拂拭忌臃腆  
素心苦刻礪煩囂務裁掬詠懷多短章雅談學古選  
么絃叶孤桐清音自婉轉樂府懷諷諭定哀託微闡  
將希長慶風庶遵仲初撰今體非繁仍蓄意聊撥遣  
望塵絕投獻當筵謝酬餞俗音忘平和惛堙任乖舛  
雪山妙歌聲清淨復柔輒藹藹春空雲白衣見舒捲  
蒼蒼蒹葭水綠波正清淺以此知其人金寒澤有銑  
董帷繁露滋鄭圃冷風善徒步走秦州單衣不裝襪  
留滯啗賈胡高吟忘重趼歎息岐陽狩悵望空同輦

臨洮牧馬驕漁陽突騎殄原廟仰衣冠新豐憶雞犬  
吟成嗑獨哽歌罷淚雙泫吁嗟十年來詩家熾壇墀  
弁甲自言尊跡去互相踐土龍矜睨賜塗車逞鞞  
枝葉爭擗槽醕共沉湎獨抱朱絲絃褐被甘偃蹇  
視彼一吹呖豈惜知音鮮嗟余老慵情詞場罷蒐獮  
無能立赤幟爲君署禁扁吟賞徒自知媿媿向誰辨  
敢云過屠門大嚼快永雋題詩刻茗華聊用別瓊瑗  
蕭辰將戒寒遺民在溝畝新詩何用多殘年共須勉  
君如終念我一水會乘編荒村紅豆庄寒燈爲君剪

大觀太清樓二王法帖歌

爲山陰張  
爾唯作

神霄天子恢皇綱重鐫閣帖煥寶章干戈久忘熙陵  
勛圖書欲歷淳化藏侍書著摹換鈎榻太師京識新  
褫裝太清危樓切霄漢乙夜御覽迴虹光大觀承平  
過星紀宣和板蕩垂靖康聲明文物埽松漠翰林子  
墨炎崑岡駝載唐碑失定武擅裴周鼓殘岐陽冊府  
祕閣俱已矣長沙戲魚徒相望新絳澡筆改東庫亮  
字損本來摧場二府拜賜傳掌故三館審定看堵牆  
良常新銘不在世羽陵舊蠹餘幾行君從何處購此  
本右軍墨跡兼小王續帖真成廿卷羨萬籤何似二  
本良墨華晶光出匱紙筆陣折抹生鋒芒晴窓臨摹



挾飛動裴几展翫鋪雲昉裂文木直非剝損懷痕銀  
錠誰低昂從今鑒定歸來薛不收慰問嗤梁唐但看  
鸞翔與鳳翥焉用冷金并硬黃嗚呼此本不易得摩  
娑使我神慄傷自從京闕暗戎馬又使館閣淪滄桑  
人間西清燔禁苑天上東壁埋文昌橐駝交跡踐竹  
素牛馬漬汗沉縲細甲衣狼藉剔鈿錦礮車迸裂窮  
琳瑯游家蘭亭真燹下褚摹裊帖擲道旁魯公孝經  
麻姑字兒童插標叫市坊卷軸遑恤三千富款書寧  
數丈二長白麻何處博青縹碧牋翻喜歸黃腸奇哉  
一本獨完好豈無六丁下取將展卷俄驚標識改開

奩先嗅古墨香印縫無煩辨分剪破體仍與論偏傍

何年瓦官閣鴟吻有客山陰搜屋梁玉躐金題重閱

惜褚妍歐怪空輝煌已堪唐陵比玉匣重許漢室開

珠囊傷心西昇失至寶

褚河南西昇經余購得之新安乙酉城陷失去

漫眼

東觀欲發狂吾家圓印銘忠孝長依書史緘篋箱

米元

章書史云錢氏所牧浩博帖上有希聖字印及忠孝之家圓錢印併錢氏書堂印

作歌無才

繼石鼓開筆載拜朝墨皇

### 題含光泐師像二首

蓮子峰頭說泐僧青松骨格鶴儀形何當兀坐看雲

漢應與虛空共講經

講罷清涼疏一迴西堂跌坐陷爐灰誰拈敲蚤家常  
話忽漫天花下講臺

題畫

撼撼秋聲捲白波青山斷處暮雲多  
沉沙折鐵無消息臥看千帆掠檻過

燕子磯舟中作

輕寒小病一孤舟送客江干問昔遊  
老有心情依佛火窮無涕淚洒神州  
舞風磯燕如頰尾吹浪江豚也  
白頭水濶天高愁騁望尋思但是莫登樓

金陵寓舍贈梁溪鄒流綺

第二泉流乳水腴跳珠漱石潤彫枯讀書昔已過袁  
豹紬史今當繼董狐金匱舊章周六典玉衣原廟漢  
三都冶城載筆霜風候還與幽人拜鼎湖

擢歌十首爲豫章劉遠公題扁舟江上圖

家世休論舊相韓烟波千里一漁竿扁舟莫放過徐  
泗恐有人從圯上看

遠公故相文端公之  
孫西佩尚寶之子

卯金之子有文章太乙燃藜下取將百道光芒吹不  
盡散爲漁火照滄浪

吳江烟艇楚江湖瀨上蘆中恨未消重過子胥行乞  
地秋風無伴自吹簫

楚尾吳頭每刺船藏舟夜半事依朕陰符三卷篝燈  
讀不及南華有內篇

黯淡江山夜未晨滿天風露罨吟身祇因牛渚舟中  
月曾照千秋咏史人

扁舟慣聽浪淘聲昨日危沙今日平惟有江豚吹白  
浪夜來還抱石頭城

曾向潯陽溯上游錯將九派恨江流越江何事仍迴  
棹不分樵風趁兩頭

一櫂延緣風露堆洞庭木葉打頭來隔船漁叟醉歌  
去陪侍龍君夜宴迴

東皇太乙啓朝暉望拜船頭露未晞莫笑漁家無法  
服隨身青箬綠蓑衣

擢歌聲斷楚江烟襪襖笻筇倚足眠半夜謹呼看堦  
火橫江削柿蕩漁船

顧與治書房畱余小像自題四絕句

峻嶒瘦頰隱燈看况復撐衣骨相寒指示傍人渾不  
識爲他還着古衣冠

蒼烟白髮是何人試問陶家形影神攬鏡端詳聊自  
喜莫應此老會分身

數卷函書倚淨瓶匡牀兀坐白衣僧驪山老母休相

問此是西天貝葉經

褪粉蛛絲網角巾每煩櫻拂拭煤塵凌烟褒鄂知無  
分留與書堆伴古人

燕子磯歸舟作

不成送別不成遊脚氣人扶下小舟作惡情懷思中  
酒薄寒筋力怯登樓金波明月如新橈鐵鎖長江是  
舊流風物正於秋老盡蘆花楓葉省人愁

題畫

櫓背指青山浪打船頭上曼聲時一嘯聊答江濤響

題許有介詩集

壇坵分茅異詩篇東筍同周浴東越絕許友八閩風  
世亂才難盡吾衰論自公水亭頻剪燭撫卷意何窮  
水亭承鄧元昭致餼諸人偶集醉飽戲書爲謝  
蓬池羹鱠薦水膠食指紛狀動爾曹三歎何曾知屬  
厭八珍空復羨淳熬腹腴放箸煩偏動胸未堆盤笑  
老饕明日洗厨重速客未愁蘿蔔旋生毛

橋山

萬歲橋山奠永寧守祧日月鎮常經青龍閣道蟠空  
曲玄武鈎陳衛杳冥墜地號弓依寢廟上陵帶劔仰  
神靈金輿石馬依狀在蹴踏何人夙夜聽



一年

一年天子小朝廷遺恨虛傳覆典刑豈有庭花歌後  
閣也無杯酒勸長星吹唇沸地狐羣力勢面呼風蜮  
鬼靈奸佞不隨京雒盡尚流餘毒螫丹青

蕉園

蕉園焚藁總凋零况復中州野史亭温室話言移漢  
樹長編月朔改唐冀諛聞人自譌三豕曲筆天應下  
六丁東觀西清何處所不知汗簡爲誰青

雞人

雞人唱曉未曾停倉卒衣冠散聚螢執熱漢臣方借

箸畏炎北騎已揚舠

乙酉五月初一日召對講官奏北馬畏熱必不渡江刺閨

痛惜飛章罷

余疏請援揚自出督兵慰留而罷

講殿空煩倒坐聽腸

斷覆坯池畔水年年流恨繞新亭

### 丁酉長至宿長干禪榻

登臺無筆可書祥長至長干拜履長佛日也應添一  
線歲華聊復記三陽灰飛玉琯吹禪火月傍金輪助  
塔光夜靜花宮喧鼓角夢迴腸斷殿東廊

### 小至夜月蝕紀事

十一月十有六日

蟾蜍蝕月報黃昏冬至陽生且莫論飛上何曾爲玉  
鏡落來那得比金盆朦朧自繞飛鳥羽昏黑誰招顧

外集有學集 卷八  
一  
鬼魂盡盡爐灰人不寐一星宿火養微溫

至日作家書題二絕句

至日裁書報孟光封題凍筆蘸冰霜  
梅檀燈下如相念但讀楞嚴莫斷腸

松火柴門紅豆庄稚孫嬌女共扶牀  
金陵無物堪將寄分與長干寶塔光

丁酉仲冬十有七日長至禮佛大報恩寺偕石  
溪諸道人焚燈繞塔乙夜放光應願懽喜敬賦  
二十韵紀其事

空門至日拜空王肅穆爐烟玉几旁  
是夜焚燈多寶

塔此心祈見白毫光鐘鳴圍繞高低級梵罷低徊左  
右箱良久下方仍黑暗少焉東壁破昏黃科頭老衲  
驚呼急禿袖中宮指顧詳昱曜乍看銀色涌晶熒諦  
視玉毫長一重欄楯明初地半壁琉璃映十方鈞鎖  
金鋪連白道瀾漫碧落隱紅牆水晶宮闕遙分影天  
漢星文暗助芒共說丹爐呈變幻又言火樹灑低昂  
似懸荔子銀青色欲落蒲萄紫翠瓢交絡倩誰排帝  
網鋪舒那得截雲昉露盤瑩燭如移級雕角搓挪欲  
差行斫樹不愁傷玉斧

先一日  
月食記

雨花還喜見金牀紅

綃夜靜香爲界白氎僧歸月在廊舍利冥心觀掌果

燈輪彈指歛毫芒長依慧火消灰劫但倚光嚴入道  
場歡極身雲都湧現歸來毛孔亦清涼帝心鴻朗開  
三寶佛日弘明長一陽大地何曾忘玉鏡並天還欲  
理珠囊慈恩盛事人能記乙夜齋宮每降香

橋社吳不官以雁字詩見示凡十二章戲爲屬  
和亦如其數

刻畫蒼穹入杳冥縱橫碧落不曾停廓填地界成飛  
白點染天池付殺青竺國西來翻舊譯燕朕北去換  
新銘行間莫笑如鳥合風后親傳鳥陣經

描畫虛空自古歎故應落筆便闌珊問奇直欲凌霄

漢運帝真能刷羽翰嘹唳叫雲愁曳白連翩映日喜  
書丹彌天布護皆文字篆刻雕蟲任汝看

天門詖蕩屢經過鳳翥鸞翔共揣摩飛過碧空真跡  
在影留寒水草書多隨身八法皆成永破體雙鈞慣  
學戈爲問世間摹榻手硯凹作凸欲如何

蠅頭蠶尾正紛紜點綴天公賴有君飛上高堂誰掣  
肘來遲長至好書雲羽毛向晚援毫懶指爪禁寒畫  
肚勤最後一行餘阿買八分聊可張吾軍

陽九文章黜劫灰帝令陽鳥捧書來筆過華頂初驚  
落文到衡陽始却迴天一詔將鳧乙辨三千牘爲驚

行裁雲飛莫歎孤騫翼鴻業淡資潤色才

勁骨豐翰信所如長空匹練任鋪舒風披漢檄追飛  
將電抹邊塵插羽書錯落星文行墨裏整齊露布翰  
林餘可知是物關兵氣莫指金天認魯魚

歲歲隨陽不畏冬憑將咫尺寫天容遮河最負輪高  
掌障日修羅避筆鋒行布偏傍文歷歷紆迴剔抉語  
嗶嗶虞羅莫漫誇秦網落翮還成大小峰

龍漢分明紀曆年昭迴文物上青天紛紛折抹違沙  
地往往橫斜避箭弦點畫盤拏齊向日畫圖羅縷總  
凌烟浯溪老筆誰能繼片石磨厓待爾鐫

鴻濛一畫梵天初雪後霜前散碧虛絕塞陣淡戈天  
矯長門燈暗磔紆徐鵲鴿頌裏黃麻帖孔雀屏前紅  
錦書故國飄零兄弟盡上林尺素獨愁余

班聯舊駐日華東退次頻驚鷁羽風飛入冥冥常削  
牘愁來咄咄亦書空斲蘆大有揮戈興謀稻溪慙識  
字功鐵索銀鈎誰比並千秋銘勒五雲中

中天神筆掃氤氳體勢蟬聯詛楚文磊落數行前作  
隊參差一旅後能軍鈎挑白地黃沙斷欄界身絲紫  
塞分下土臨池皆侍從不知誰策雁王勲

迢遙中竺度恒沙名句聲中形影賒敢以羽羣從八



部願將爪力演三車行行數墨非忘指字字迴文欲

貫花暫向曲江題塔了雨成池畔是吾家

十誦律云波羅奈國

城邊有池名曰雨成是五百雁王所治之地

秦淮水亭逢舊按書賦贈十二首

女道士淨華

不羨宮粧不女冠相逢只作道人看水亭十月秦淮  
上作意西風打面寒

粧閣書樓失絳雲香燈繡佛對斜曛臨風一語憑相  
寄紅豆花前每憶君

旗亭宮柳鎖朱扉官燭膏殘別我歸今日逢君重記  
取橫波光在舊羅衣

目笑參差眉語長無風蘭澤自朕香分明十四年來  
夢是夢如何不斷腸

棋罷歌殘抱影眠冰牀雪被舊因緣如今老去翻惆  
悵重對殘缸說往年

瘦沈風狂可奈何情癡只較一身多荒墳那有相思  
樹半爇枯松伴女羅

鎖袴弓鞋總罷休燭灰蠶死恨悠悠思量擁髻悲啼  
夜若个情人不轉頭

金字經殘香母微啄鈴紅背語依稀新裁道服蓮花  
樣也學雕籠舊雪衣

水齋不學集  
貝葉光明佛火青貫花心口不曾停儂家生小能持  
誦鸚鵡親歌般若經

高上青天低下泉鄰家女伴似秋千金經半卷千聲  
佛消得西堂一穗烟

水沉烟寂妙香清玉骨冰心水觀成彈指五千經藏  
轉青蓮花向舌根生

投老心期結淨瓶目消箋註講金經諸天圍繞君應  
看共向針鋒列坐聽

和普照寺純水僧房壁間詩韵微無可幻光二

道人同作

古殿灰沈朔吹濃江梅寂歷對金容寒侵牛目水間  
雪老作龍鱗燒後松夜永一燈朝露寢更殘獨鬼哭  
霜鐘可憐漫壁橫斜字牘有三年碧血封

水亭撥悶二首

不信言愁始欲愁破窗風雨面淮流往歌來哭悲瞿

鴝莫雨朝雲樂爽鳩攬鏡每循宵

先作朝薙

髮擁衾常

護夜飛頭黃衫紅袖今餘幾誰上城西舊酒樓

瑣闥夕拜不知繇熱鐵飛身一旦休豈有閉唇能遁  
舌更無穴頸可生頭市曹親鬼爭顛額長夜冤魂怨

獨鏤

亦作獨鏤

狼籍葦膠供一笑君王不替偃師愁

示藏社介丘道人兼識乩神降語

長干藏社結長期雪柱冰稜扣擊時橫埽葛藤談滿

字

匡山雪藏詔師

細尋行墨問三伊

普德勗伊問師

並舟分月人皆

見兩鏡交光汝莫疑珍重天宮催結集健錐

先作聲

已報須彌

有神降乩云速完經疏天堂報汝

臘月八日長干薰塔同介道人孫魯山薛更生

黃舜力盛伯含衆居士

白毫親見相輪開臘改嘉平繞塔來梵唄經聲籠拱  
角栴檀香氣結樓臺千燈昱耀然羅刹一雨霏微浣  
劫灰共作四禪天上侶紫金光裏首重迴

秦淮花燭詞四首

寶馬香車火樹中  
沉香甲煎燎霜空  
渡頭花燭催桃  
葉午夜秦淮一水紅

寶鏡臺前玉樹枝  
綺疏朝日曉粧遲  
夢迴五色江郎  
筆一夜生花試畫眉

冰絃三疊奏琴心  
雙舞胎仙和好音  
莫鼓人間求鳳

曲遠山那得似青琴

夫婦皆善琴

繡罷陰符香篆闌  
洞房銀燭辟輕寒  
燈前壁上芙蓉  
色總向金蓮影裏看

金陵歸過句容東臨川李學使二首

珠衣玉簡出臺端，丹筆掄材最漢官。  
東箭採揉輸貢，畫南金冶鑄許身難。  
秦時臘爲茅家改，梁代雲於嶺上看。  
駐節華陽冰雪候，朝元望拜七真壇。

臨川持筆藻圖垂，才子於今擅總持。  
楮葉蓮華微妙

理

王介甫詩有蓮花世界非  
關汝楮葉工夫枉費年

紅泉玉茗訂新詞

君將彙刻

湯若士玉茗堂諸全集

定林舊隱霜筠老，片石寒泉劫燒遺。賸

欲過從論剪燭，冰車輾輓與君辭。

句容崇明寺登毘盧閣

嘉平廿三日

古寺嘉名金榜紋，毘盧傑閣瞰層雲。  
石城尚擁黃圖勢，茅嶺仍迴卍字文。  
震日山河終自在，須彌日月不

曾分凭欄欲聽人天語樹網風鈴已報聞

投宿崇明寺僧院有感二首

秋卷風塵在眼前蒼茫迴首重潛狀居停席帽曾孫  
在驛客羶車左擔便日薄冰山圍大地霜清木介蠹  
諸天禪牀投宿如殘夢半壁寒燈耿夜眠

禾黍陪京夕照邊駢車霑洒孝陵烟周郊昔歎爲犧  
地蘄子今論鑄狄年綸邑一成人易老華陽十賚誥  
虛傳顛毛種種心千折祗博僧窻一宿眠

金陵雜題絕句二十五首繼乙未春留題之作

淡粉輕烟佳麗名開天營建記都城而今也入烟花



錄燈火樊樓似汴京

一夜紅箋許定情十年南部早知名舊時小院湘簾

下猶記鸚哥喚客聲

舊院馬二  
字鼉采

釧動花飛戒未賒隔生猶護舊袈裟青溪東畔如花  
女枉贈親身半臂紗

惜別歡畱限馬蹄勾闌月白夜身棲不知何與汪三

事趣我懽娛伴我啼

新安汪逸  
字遺民

別樣風懷另酒腸伴他薄倖耐他狂天公要斷烟花  
種醉殺瓜州蕭伯梁

抖擻征衫趁馬蹄臨行漬酒雨花西於今墓草南枝

句長伴昭陵石馬嘶

乙酉歲計偕北上甲方希直先生墓詩云孤臣一櫬南枝恨墓

草千年對孝陵

頓老琵琶舊典刑檀槽生澀響丁零南巡泐曲誰人

問頭白周郎掩淚聽

紹興周錫圭字禹錫好聽南院頓老琵琶常對人曰此威武南

巡所遺法曲也

臨岐紅淚濺征衣不信平時交語稀看取當風雙蛺

蝶未曾相逐便分飛

已上雜記舊遊

金陵惜別感秋螢執手前期鬢易星君去我歸分贈

處勞勞亭是短長亭

丁酉秋日與龔孝升言別金陵

叢殘紅粉念君恩女俠誰知寇白門黃土蓋棺心未

死香丸一縷是芳魂

水榭新詩是戒香橫陳嚼蠟見清涼五陵年少多情

思錯比橫刀浪子腸

杜蒼略和詩有抵斷橫刀浪子腸之句

舊曲新詩壓教坊縷衣垂白感湖湘閒開閨集教孫

女身是前朝鄭妥娘

鄭如英小名妥詩載列朝閨集中今年七十二矣

人擬陽秋家汗青天戈鬼斧付沉冥赤龍重焰蕉園

火燒却元家野史亭

閩山桂海飽炎霜詩史酸辛錢幼光束筍一編光怪

甚夜來山鬼守奚囊

杜陵吟重數篇詩吾炙新編不汝欺但恐旁人輕着

眼針師門有賣針兒

于一樞衣請論文高曾規矩只云云老夫口噤如啞

啞夢語如何舉似君

南昌王猷  
定字于一

盧前王後莫相疑日下雲間豈浪垂江左文章流輩  
在何曾道有蔡充兒

帝車南指豈人謀河岳英靈氣未休昭代可應無大

樹汝曹何苦作蚍蜉

已上六首  
雜論文史

挾彈撥九輦轂雄老人望八臂生風夜淡占月高岡

上太白今過第幾宮

金陵胡叟  
號節軒

已下三叟皆與予  
同壬午年生七十

六有

面似桃花盛茂開，隱囊畫笥日徘徊。郎君會造逡巡酒，數筆雲山酒一盃。

盛叟子茂，開子丹，六善畫。常釀日花仙酒以養叟。

江左英姿自處囊，生兒亦號漢周郎。碧牋黃紙疏窗下，映日鈎摹大小王。

周江左名嘉胄，鑒古工書。子運，庚字西，有亦奇士。

西佩心銜五世悲，飾巾祈死復何疑。天公趣召非聊爾，一箇唐朝宰相兒。

西佩名斯璋，南昌劉文瑞之次子。丁酉冬月歿于蕪湖旅舍。

披髮何人夜叫天，亡羊臧穀更堪憐。長髯銜口填黃土，肯施維摩結淨緣。

長干塔繞萬枝燈，白玉毫光涌玉繩。鈴鐸分明傳好語，道人誰是佛圖澄。

採藥虛無弱水東，鸞輪仍傍第三峰。玉晨他日論班

位，應次高辛展上公。

過句曲望三峰作

讀建陽黃帥先小桃源記戲題短歌

未爲武夷遊，先得桃源記。小桃源在幔亭旁，別館便房列仙治。黃生卜築才十年，七日小劫彌烽烟。山神龜穩請迴駕，洞口仍封小有天。搗來奔竄冶城左手持，記詩椰掄我。選勝搜奇在尺幅，食指蠕動頤欲朶。彭籛之後武夷君，我是婆畱最小孫。包茅欲作乾魚祭，臥榻那容鼻鼾存。老夫不似劉子驥，仙源但仗漁人指。馮將此記作券書，設版焦瑕自今始。君不見三

千鐵弩曾射潮漢水彈丸亦如此